

Broj: 06-03-740-09/19
Mostar, 28.11.2019. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (1), člana 5., člana 8. i člana 9a. stav (5) Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17, 49/18 i 84/19), postupajući po Zahtjevu za obnovu dozvole za rad za proizvodnju električne energije broj 06-03-740/19 od 21.06.2019. godine, podnosioca zahtjeva „BAHEN-GRADNJA“ d.o.o. Sarajevo, ul. Senada Poturka Senčija broj 131, Sarajevo, Regulatorna komisija za energiju u Federaciji Bosne i Hercegovine – FERK je dana 28.11.2019. godine na XVII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „BAHEN-GRADNJA“ d.o.o. Sarajevo.
2. Utvrđuje se „BAHEN-GRADNJA“ d.o.o. Sarajevo, status kvalifikovanog proizvođača u objektu solarne fotonaponske elektrane „BUJACI“, u periodu važenja dozvole iz tačke 3. ovog rješenja.
3. Dozvola za rad izdaje se na period od 28.11.2019. godine 27.11.2029. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Iznos privremene regulatorne naknade koju je imalac dozvole obavezan platiti za 2019. godinu utvrđen u tački 42. Odluke broj 08-07-1034-04/18 od 10.12.2018. godine mijenja se i glasi: „270,41 KM“.
6. Regulatorna naknada iz tačke 5. ovog rješenja će se preračunati nakon donošenja odluke o utvrđivanju postotka za obračun varijabilnog dijela regulatornih naknada za 2019. godinu o čemu će se izdati posebno rješenje.
7. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 21.06.2019. godine FERK je od podnosioca „BAHEN-GRADNJA“ d.o.o. Sarajevo pod brojem 06-03-740/19 primio Zahtjev za obnovu dozvole za rad za proizvodnju električne energije.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za obnovu dozvole za rad za proizvodnju električne energije broj 06-03-740-01/19 od 05.07.2019. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopise primljene u FERK 22.07.2019. godine pod brojem 06-03-740-02/19, 19.08.2019. godine pod brojem 06-03-740-03/19, 19.09.2019. godine pod brojem 06-03-740-04/19, 23.10.2019. godine pod brojem 06-03-740-05/19, 25.10.2019. godine pod brojem 06-03-740-06/19 i 28.10.2019. godine pod brojem 06-03-740-07/19, uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-740/19 od 21.06.2019. godine, podnosioca „BAHEN-GRADNJA“ d.o.o. Sarajevo. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-740-08/19 od 31.10.2019. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 04.11. do 12.11.2019. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 04.11. do 12.11.2019. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 12.11.2019. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za

obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoца dozvole. Članom 9a. stav (5) Pravilnika o metodologiji i načinu obračuna regulatornih naknada za imaoce dozvola propisano je da će se iznimno od stava (4) ovog člana imaoцима dozvola za obavljanje elektroprivrednih djelatnosti, koji su dozvolu dobili u tekućoj godini, a kojima se vrši oduzimanje dozvole za vrijeme važenja odluke iz člana 8. stav (4) ovog Pravilnika, kao i imaoцима dozvola za obavljanje elektroprivrednih djelatnosti, koji obnove svoju dozvolu za vrijeme važenja odluke iz člana 8. stav (4) ovog Pravilnika, ali kojima između perioda važenja prethodne dozvole i perioda važenja nove/obnovljene dozvole nastupi period u kojem isti nisu imali izdatu dozvolu, iznos regulatorne naknade preračunava se pojedinačnim rješenjem u skladu sa periodom važenja dozvole u toj godini. Na osnovu navedenog, Odlukom broj 08-07-1034-04/18 od 10.12.2018. godine „BAHEN-GRADNJA“ d.o.o. Sarajevo kao postojećem imaoцу dozvole za rad za proizvodnju električne energije utvrđen je iznos privremene regulatorne naknade za 2019. godinu u iznosu od 300,00 KM. Kako je imalac dozvole obnovio dozvolu za vrijeme važenja odluke iz člana 8. stav (4) Pravilnika o metodologiji i načinu obračuna regulatornih naknada za imaoce dozvola, ali kojem je između perioda važenja prethodne dozvole (24.10.2014. – 23.10.2019.) i perioda važenja nove/obnovljene dozvole (28.11.2019. - 27.11.2029.) nastupio period u 2019. godini, u kojem isti nije imao izdatu dozvolu, privremena regulatorna naknada za 2019. godinu preračunata je u skladu sa članom 5., članom 8. i članom 9a. stav (5) ovog Pravilnika, tako da ukupan iznos privremene regulatorne naknade koju je imalac dozvole obavezan platiti za 2019. godinu sada iznosi 270,41 KM. Obzirom da je „BAHEN-GRADNJA“ d.o.o. Sarajevo, postupajući u skladu sa FERK-ovim obavještenjem o obavezi plaćanja privremene regulatorne naknade za prvo polugodište 2019. godine broj 19-360-000007 od 04.01.2019. godine, izvršio uplatu iznosa od 150,00 KM dana 12.02.2019. godine, kao i obavještenjem o obavezi plaćanja privremene regulatorne naknade za drugo polugodište 2019. godine broj 19-360-000185 od 01.08.2019. godine, izvršio uplatu iznosa od 150,00 KM dana 15.08.2019. godine, FERK će razliku ukupno uplaćenih iznosa i preračunate privremene regulatorne naknade za 2019. godinu, u iznosu od 29,59 KM, uplatiti na transakcijski račun „BAHEN-GRADNJA“ d.o.o. Sarajevo.

Na osnovu obrade Zahtjeva za obnovu dozvole za rad za proizvodnju električne energije podnosioca „BAHEN-GRADNJA“ d.o.o. Sarajevo i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „BAHEN-GRADNJA“ d.o.o. Sarajevo da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović